

Referencia:	<b>2021/832V</b>
Procedemento::	<b>Liquidación y pago de subvenciones a los grupos políticos</b>
Interesado:	<b>GRUPO PSDEG-PSOE DIPUTADOS</b>
Representante:	
<b>INTERVENCIÓN (4158)</b>	

## INFORME

### Servizo de Intervención

Nº ref.: XUSFIFICACIÓN SEMESTRAL PARCIAL ASIGNACIÓNS AOS GRUPOS POLÍTICOS, LEXISLUTRA 2019-2023.

**ASUNTO: Xustificación semestral parcial en relación coas asignacións ao Grupo Provincial PSDEG - PSOE, correspondente ao período xullo – decembro 2020. Lexislatura 2019-2023.**

De acordo coa base 67 c) 2. das bases de execución do orzamento 2020, aprobada no Pleno de data 27 de setembro e 2019,

**Primeiro**, no punto 2. da base 67 c), indica: “**a subvención aos grupos políticos provinciais estará destinada exclusivamente ao financiamento dos seguintes gastos:**

a) **Gastos de funcionamento do grupo político.** Para estes efectos, *non se considerarán en ningún caso como gastos subvencionables os seguintes:*

- *Gastos en comida e bebida*

- *Remuneracións de persoal de calquera tipo ao servizo da Corporación*

- *Adquisición de bens que poidan constituír activos fixos de carácter patrimonial.* Para estes efectos, non terán a consideración de gastos en adquisición de activos fixos de carácter patrimonial os sinalados no artigo 108.2 da Lei 37/1992, de 28 de decembro, do Imposto sobre o Valor Engadido.

b) **As aportacións realizadas desde os grupos políticos aos partidos políticos para o financiamento dos seus gastos ordinarios de funcionamento”.**

**Terceiro**, no punto 4. da base 67 c), indica: “sen prexuízo da xustificación final, que se realizará ao remate de cada mandato conforme ao establecido no apartado 5 desta base, os grupos estarán obrigados a presentar unha xustificación semestral nos termos seguintes:

a) **O portavoz de cada grupo provincial presentará ante a Intervención Xeral da Deputación Provincial, no mes posterior ao termo de cada semestre natural, unha xustificación dos gastos realizados no período, conforme ao modelo anexo II destas bases (en formato idéntico ou semellante a unha conta de perdas e ganancias da contabilidade levada polo grupo) así como unha copia do extracto bancario no que se reflectan todos os movementos da conta corrente aberta polo grupo político, relación que deberá ser asinada polo portavoz respectivo facendo constar que os devanditos pagamentos efectuáronse exclusivamente para atender gastos subvencionables.**

**Para a xustificación das aportacións transferidas aos partidos políticos deberá xustificarse o movemento baixo o epígrafe de “Aportación para o financiamento dos gastos ordinarios de funcionamento do partido”, debendo acompañarse escrito, asinado polo portavoz do grupo e polo responsable da xestión económico-financeira do partido político, no que se declare que a aportación realizada o foi para a colaboración nos gastos ordinarios de funcionamento do partido.**

Os grupos políticos poderán designar un responsable económico do grupo distinto ao portavoz, ao que corresponderán as obrigas establecidas nesta base de execución para o portavoz. Para ser efectiva, esta designación deberá comunicarse á Intervención provincial, mediante escrito asinado polo portavoz e acompañado da acta da designación do tesoureiro do grupo, asinada por tódolos seus integrantes.

b) **A fiscalización do gasto pola Intervención limitarase a comprobar que se presentou a documentación co formato establecido no apartado anterior, subscrita polo portavoz do grupo e, no seu caso, que se procedeu ao reintegro da parte non xustificada.**

c) **O resultado desta fiscalización limitada reflectirase nun informe da Intervención Xeral da Deputación.**

d) Serán obxecto de publicación no Portal de Transparencia da Deputación de Ourense os estados – resumo, a declaración das aportacións aos gastos do partidos e o informe de Intervención. A publicación realizarase polos propios servizos da Corporación.

e) No mes de xaneiro seguinte a cada anualidade xustificada, os informes da Intervención Xeral, xunto coa documentación presentada polos respectivos grupos provinciais existentes remitirase ao departamento de partidos políticos do Tribunal de Contas.

No punto 5. Xustificación final da subvención *“Sen prexuízo da obriga de xustificación parcial semestral establecida no apartado anterior, as subvencións aos grupos entenderanse destinadas de modo indistinto á atención dos gastos subvencionables que se produzan ao longo de cada mandato, incluíndo o período en que a Corporación se atope en funcións. En consecuencia, a parte da subvención non xustificada en cada semestre continuará a disposición do grupo ata a constitución da nova Corporación.”*

En base ao anteriormente exposto, procedeuse a realizalo correspondente requirimento de **xustificación semestral parcial de data 21 de xaneiro de 2021**, en relación ás asignacións correspondentes ao período comprendido entre xullo a decembro de 2020.

**En data 28 de xaneiro de 2021 e rexistro de entrada número 2021/6144, o Grupo Provincial PSDEG - PSOE presentou a seguinte documentación:**

- a) Estado resumo da contabilidade do grupo provincial do período requirido (01/07/2020 – 31/12/2020).
- b) Extracto bancario do total dos movementos da conta corrente pertencente ao grupo provincial, (xullo – decembro 2020).
- c) Certificado emitido polo representante do PSdeG-PSOE e o portavoz do Grupo provincial Socialista, de data 27 de xaneiro de 2021, no que se fai constar que se recibiron ditos importes mediante transferencia bancaria do Grupo Provincial Socialista e cuxo destino foi para cubrir os gastos derivados da relación do Grupo Provincial Socialista co PSdeG-PSOE de Ourense.

Revisada a documentación aportada polo Grupo Provincial PSdeG-PSOE, detéctase que o extracto bancario **non consta asinado polo portavoz do Grupo Político** e tampouco consta a dilixencia “**os devanditos pagamentos efectuáronse exclusivamente para atender gastos subvencionables**”, polo que se procede ao requirimento de subsanación de data 10 de febreiro de 2021.

**En data 11 de febreiro de 2021, con rexistro de entrada número 2021/5341, o Grupo Provincial PSDeG-PSOE, presenta a documentación requirida.**

Revisada a nova documentación presentada. **conclúese, que o resultado da fiscalización do semestre comprendido entre os meses de xullo a decembro de 2020, é CONFORME.**

O que se informa aos efectos oportunos.